

四、萬善同歸

時間个溪向前流，啦啦啦在唱歌，快活向前行！

時間个鳥向前飛，撲撲撲在拍翼，歡喜向前飛！

真緊，來到四湖過了一個禮拜，逐日透早得日頭光炙醒，拗鳥鳴當做鬧鐘个生活，佢適應到猶毋會耷，毋會用捉寶可夢，改提布袋戲个日子嘛嶄然心色，攞較要緊个係佢早即在這交著幾下個好朋友，像係熱心个大漢个、戴一副目鏡个阿燦、漢草較細毋過想法多个小杰，佢人四個人跔伯公學布袋戲以外，恬恬作埕，滿那位寮，佢即像打開籠个鳥跔人鑽蔗田，騎鐵馬躉西瓜田，溜去溪脣賞水.....，莊下生活真毋會耷。假使佢在臺北，大討正會用和一兜數學題相鬥、和成語拚腦力，恁講來正經感謝阿怙仔明智个安排。

這日烏昏，佢人騎鐵馬到參天宮，坐在廟前吹涼風。

「緣投鉤，佢人韶日討去口湖，你敢討和佢作埕去？」小杰問佢。

「佢嘛會去！」大漢个和阿燦作埕講。

佢人三個你一句佢一句講韶日係口湖个大事情，討去「牽水」，「牽水」係麼个？佢人又講毋會清，橫直即係真鬧熱个大活動！

既然係「大活動」，又真鬧熱，佢當然愛參一腳，毋過愛先問過伯公，雖然今个佢係飛出枷牢个鳥，毋過仰子講嘛係伯公在照顧佢，這種愛「出遠門」个事情總愛先得著伯公个同意。

「布袋戲伯公一定會答應个。」小杰真肯定，「韶日係真大真大个『廟會』，布袋戲伯公逐年攞會去。」

真大真大个「廟會」？遐一定有賣食个、賣咁个，足好个！趁機會會用去拜五臟廟，足思念炸雞肉哦！伯公煮个白焯雞、白切肉、燙番薯葉雖然好食，毋過足久無食垃圾食物，嘴總係感覺「淡淡」。這個廟會，佢定著討去！毋過頭腦雄雄一想，想著一件全然要緊个事情，「佢苦啊~~~！」阿依拗佢个零星錢「寄園」在伯公遐跡位，用錢愛先通過伯公遐關，恁佢敢會用食炸雞肉愛睭伯公同意無。

伯公若像和佢心靈相通共款，這日暗頓有菜脯卵和番薯葉以外，猶有罕得睭著个炸雞肉，伯公講：「這種炸雞肉一兜仔嘛無康健，毋過你人這兜細子即係愛食，一半下得你打鬥敘啦！」毋過番茄醬咧？

伯公準備个嘎係葫頭蔭豆油，這算係「伯公式」个料理！

「伯公！」佢挾一坭炸雞肉講：「足香个！伯公你頭好！恁好个伯公擎手電嘛尋毋會著。」

「緣投鈞，有事直講，毋使來這套灌迷湯！」

「韶日，佢想討和小杰佢人作埕去口湖蕪廟會。」伯公真厲害！恁佢即無細義个直腸直肚啊。

「毋會用！毋會用去蕪廟會。」無想著伯公一下即講毋，小杰明明講伯公逐年攞會參加个。

「毋過，小杰講遐係真誠大个活動，真鬧熱、真心色！佢人作埕去啦！」

「佢渡你去睺『牽水』祭典，遐敢係麼个廟會？細子人烏白講事！逐年舊曆六月初七、初八攞會辦這個法會，目的係為著超渡亡魂，所以出外个人在這兩日嘛會轉來參加祭拜。」

「著哦！佢有一兜仔印象，逐擺歇熱開始無幾久，阿怙即會渡阿公轉舊屋一逝，幾時即係為著這件事。」

伯公頗頭下，攞講：「著，即係韶日，你阿怙和阿公攞會轉來！」

「正經哦！昨日暗夜和阿怙講電話个時，阿怙仰子無拗佢講？」佢著驚一下！足好个！講著阿怙和阿公，恁久無睺啊，正經會思念佢人。

「你阿怙講愛『突擊檢查』，壞啊！佢講到漏風啊。」嘴講係講到漏風，嘴角嘎一直在偷笑，伯公明明係挑持放風聲个，伯公實在係好人。「突擊檢查」？有麼个好突擊檢查，佢在這表現良好，早早睡早早起，阿怙仔正經係傷睺輕佢啊！佢心肝內浮起來一兜仔得意。毋過.....，無幾著，若欠麼个？

「啊！」阿怙規定佢逐日愛寫一篇日記，佢寫幾多篇啊？「感謝伯公个情報！佢緊去準備。」佢攞緊溜轉房間攞「日」記去！

唉！人正經係毋會用傷揭屎！驕兵必敗啊！本來想講佢个表現良好，阿怙一定感心到嘍出來，發現佢有一個「新後生」啊，哪儕知，人會算，天會斷.....，要緊个這日嘎得阿怙仔捉著賴睡！

「日頭高高，日頭炙屎肫啊，你猶在睡？猶拗佢講你表現良好？日日早起毋使伯公喊？」睺著阿怙仔，正經係「相見較輸懷念」，佢

一來即拗佢「洗耳子」，洗得俐淨俐淨，這歸下攞係寫日記害个，早知昨暗即毋使攞夜車拚日記，阿怙無定著會檢查日記，毋過佢賴睡个事實嘎直接在目前，攞較多事嘛無法度解說啊！

「緣投鈞正經真乖啦！佢逐日攞早早起來毋使佢擘心，今日大討係傷暢，昨暗無睡好正睡傷晝，佢掛保證个！」伯公開嘴啊，阿怙嘛無好攞念，毋過目珠對佢瞜瞜，意思即係——「你皮在癢，小心佢修理你。」

睺來佢今日猶係離阿怙較遠一兜，跔在阿公和伯公膺身脣較平安！

佢人到金湖萬善爺廟，堵好有一行人核竹擔向廟个方向行。擔頭內裝一兜仔餅、罐頭、糖，這兜人真怪奇，仰子毋駛車、毋騎車？天氣恁熱，佢人敢係在表演？到位萬善爺廟，又睺著足多足多「五花六色」紙膏个笕，這兜係麼个咧？佢歸屎肚疑問，準備討問个時，阿公提幾下張粉紅色个紙，紙面上印「萬善同歸」，阿公連幾下張寫了佢毋識个名，毋過和佢共款姓吳；又有幾下張一個個寫佢人歸屋下人个名。伯公嘛共款寫了幾下張，毋過伯公寫个時務目頭結結，嘆一口氣，阿公睺著啊，拗伯公講：「祖先會庇佑，毋使想恁多啊。」

這兜粉紅色个紙一張張貼在紙笕面上，佢人搬紙笕到廟外，哇！比頭下攞較多啊！一個接一個，照「弓」字形跔，排到像一個迷宮，猶攞在車路脣排到遠遠，驚人个多……。

接落，佢人去海脣放水燈。水燈係一間間色地萋萋紙膏个屋下，起在小竹排面上，一間又一間，在泥下排到齊正齊正，數量毋會少，睺起來聲勢真大，伴鑼鼓吵亂和放炮聲，親像在辦喜事哦！心色个係放了水燈，有个人著面行倒轉著面插香，阿公拗佢講：「這兜香係討拗祖先渡路轉屋下。」敢係像這滿个路燈？」阿公聽了佢个可比事，佇毋會核笑啊。

希望這兜香會用順利燒，毋好得風吹么去，若無祖先尋毋會著轉屋下个路即壞啊！毋過這兜祖先个記性嘛傷糗啊，逐年攞愛行个路，猶會添放？

「阿鈞，你在嗷嗷念麼个？」阿怙仔又目瞞瞞在睺佢啊。「偲人對祖先較貼心一兜敢毋係較好？」著哦！阿依行幾下百遍个路嘛會

行毋著路，祖先和阿依共款係毋知路。」「你攞惑阿七个試睺望！」
睺來佢猶係嘴塞起來較好！睺著阿怙仔受氣个形，佢嘎西舌出來。

轉伯公屋下个路，阿怙講韶日猶愛攞來，幾時這個祭典連幾下日，
遐攞早早即係國家要緊个文化資產，毋過仰子會有恁个祭典咧？

落來佢私下走去問阿公，正知祭典个產生係對一場災難來个，實
在係得人全然艱難！

在一百七十外年前，清朝道光二十五年（西元 1845 年）舊曆六
月初六，有一個全然大个颱風吹來。遐日本來好天好日，食飯飽嘛若
像普通个日，行棋个行棋，答詫个答詫，享受一日無閒作穡了後个歇
睺。

毋過，暗夜好定泥咧咧落大雨，歸夜攞無歇，初七遐日攞較係
透大風，大風雨越落越大，全然大个雨勢像係大卵石啪啪啪打向大地。
大雨攞加海水倒灌，得虎尾溪到北港溪，口湖鄉和四湖鄉海脣所在變
做海共款，大片大片个田、屋下，做一下消失毋見去。無助个人民喊
天，天無應；喊地，地嘛無靈。自底安樂个家園變成人間地獄，這場
雨一直落到六月十二正有一兜仔減。海水總算退啊，嘎留落滿那位身
屍。

阿公講，佢細漢時聽佢个阿太講著這件事，老儕人猶著面講著面
嘍，足多細子變成孤兒，攞較多係歸屋下沉水死去，死了七千外個人，
樵、草蓆做一下得人買淨啊，猶有真多身屍無法度好好落葬。單靠地
方人民个力，根本無法度埋恁多身屍，正會用靠官兵个力來鬥相共，
毋過死去个人數實在傷多啊，為著毋好在荒地炙身屍，只好歸下樓坑
分做四個位來落葬，號做萬人塚。

田攞無啊，飢荒跔在來，道光皇帝知這件悽慘災難了後，特別打
開義倉米穀，猶撥銀兩賑災，猶攞拗埋受難人民个萬人塚敕封做「萬
善同歸」。唉！不幸个係災後飢荒，身屍綿臭傳出惡氣，攞加上積水
造成衛生條件穢，接落來大家嘎著瘟，情形一下無法度收尾，又死了
三千個人。

人民个悲情無位啟氣，開始有人傳事，仰子會恁悽慘？攞係因為
皇帝个「金口」，君無戲言，號了一個「『萬』善同歸」正會攞有三千
個人死去，和進前个七千個人鬥做萬人。

為著祭拜在大水內底受難个人民，落來即辦「牽水」，在臺灣民俗內底，蔭死个人定著愛透過牽水超渡亡魂，得蔭死个人脫離苦海，得著解脫。水即係俚人脛著个「紙笕」，遐係一種法器，大討四尺高，分做三緣，頭面上插三角旗，寫亡者名姓，對上到下擱貼七爺八爺、山神土地、觀音佛祖這兜紙膏个神，逐緣膏雲梯，意思係亡魂對凶惡到良善，對苦難到極樂大解脫。

頭頭下水面上寫个攞係死去親人个名姓，這滿民俗改變啊，改寫俚人自家个名姓，為著會用保平安。這時俚正了解阿公寫遐兜生份个人名攞係俚个祖先，這兜祖先經過恁多年超渡，應當到天堂去享受啊！所以祭典內底艱難个氣氛慢慢變淡，轉做對人世个祝福，祈求平安。

阿公猶拗俚講，在這個得人驚个水災內底，儕儕自家即難顧，逃難嘛毋會赴啊，嘎猶有一個「戰水英雄」，無管自家死活，拚命搶救八個細子个故事。傳講這個戰水英雄姓陳，佢在初七暗夜去巡魚塘，轉到屋下發現屋下早即得水沖壞，佢个阿依嘛蔭死啊，脛著這歸下，佢唸到真艱難。

這時，佢聽著隔壁有細子个唸聲，佢蹀水向聲音遐去，脛著八個幼細子企在木櫃面上，情形真急，攔緊搯、攙這兜細子。水勢真大，假使係佢一個人，本來會用閃過死劫，毋過搯八個細子，得佢行動無利便，水湧打來，陳姓這個大人和這兜細子真苦憐作埕蔭死，等佢人得人發現个時，佢猶在護細子人。落來个人為著感念這個感動人个事情，做一身大人臉身跋八個幼細子个「九頭十八手」雕像，紀念在這場大水內底得人敬佩無顧自家个靈魂。

阿公講了故事，夜嘛暗啊，蟲唧唧啱和佢做伴，想著佢蹬个這埕土地，識有恁多故事，佢佇毋會核俯頭脛腳下，這係佢个家鄉，勞力在水災內底活落來个祖先，會用在艱難內底擱拗拚落，佢人正會用享受今日个福氣啊！